



ҚАЗДАУЫСТЫ ҚАЗЫБЕК БИ: СӨЗДІҢ АТАСЫ – БІРЛІК, АНАСЫ – ШЫНДЫҚ

ОРТАЛЫҚ ҚАЗАҚСТАН

Қ А Р А Ф А Н Д Ы О Б Л Ы С Т Ы Қ Қ О Ф А М Д Ы Қ - С А Я С И Г А З Е Т І

www.ortalyq.kz www.instagram.com/ortalyq.kz

СЕНБИ, 26 ТАМЫЗ, 2023 ЖЫЛ №95 (23 271)

www.facebook.com/ortalyq.kz info@ortalyq.kz

Құрметті кеншілер, көмір саласының қызметкерлері!

Сіздерді Шахтер күнімен шын жүректен құттықтаймыз! Бұл – біздің аймақ үшін ерекше күн. Өкінішке қарай бұл мереке «Қазақстан» шахтасында болған қайғылы оқиғамен тұспа-тұс келді. Бұл күні біз осы салада қажыр-қайрат танытып, өз жұмысын адал атқарып жүрген жандарға алғысымызды білдіреміз. Сонымен қатар өмірден өткен кеншілерді еске аламыз. Күн сайын шахтерлер қауымы ел игілігіне қызмет етіп, ел экономикасының өркендеуіне, оның ішінде аймағымыздың дамуына үлес қосады.

Біз өзінің тәжірибесін жас мамандарға үйретіп, кеншілердің даңқты дәстүрлерін жалғастырып келе жатқан ардагерлерге және осы салада еңбек етіп келе жатқан барлық азаматтарға алғысымызды білдіреміз.

Құрметті шахтерлер! Біз сіздердің қызметтеріңізге деген адалдықтыңыз бен еңбекқорлықтарыңызды жоғары бағалаймыз. Мерекеге орай сіздерге мықты денсаулық, отбасыларыңызға амандық тілейміз!

Ермағанбет БӨЛЕКПАЕВ,
Қарағанды облысының
әкімі
Нүркен ҚОБЖАНОВ,
Қарағанды облыстық
мәслихатының төрағасы

ЕРТЕҢ – КЕНШІЛЕР ЖӘНЕ КЕН БАЙЫТУШЫЛАР КҮНІ

Кеншінің келбеті

Шахтер. Ақзер әлемнің қадір-қасиетін кеншіден артық кім түйсініп, біле қойсын, сірә. Қасиетті Қарағанды өлкесін жарты жаһан қара алтынның, металдың қамбасы деп біледі. Қарағанды қарапайым еңбек адамдарының да отаны. Кенші дегенде көз алдымызға жұмыр жүрегінде қажыр мен қайраты атой салған өрнек жандар келетіні кәдік.



Коллажды жасаған Ш.А.Давыдов

Ерқанат КЕЦЕСБЕКҰЛЫ,
«Ortalyq Qazaqstan»

Ол әр күні кезекті қызмет ауысымынан оралмауы мүмкін. Бұл зілмауыр ойлар кеншінің отбасына күнделікті кесе-көлденең тұратыны айдан жарық ақиқат. Шахтер кәсібі құрметті болғанымен, әлемдегі ең қауіпті мамандықтар санатынан.

Өкінерлігі, биыл да «Қазақстан» шахтасында тағы бес кенші қаза болды. Олар

– Денис Стешин, Артур Халиков, Виктор Бургун, Виталий Слоньков, Илья Старовойт еді. Нағыз азамат азаптанен өлді. Бұл қаһармандар берісі отбасын, әрісі еліне игілік әкелемін деген ақтық сапарда жан берді. Әр кенші өз міндетін мінсіз атқарды. Дертін айтпаған дәрмен таба алмайды. Осы орайда «елге салым қосамыз» деген рәуішті қаншалық уәдені кемерінен асыра үйіп төккен алпауыттар сайып келгенде Конституциямызда жазылған ең ұлық күн-

дылығымыз – адамды аман алып қалуға дәреметі жетпей тұр. Опындыратыны да осы. Орнында бар оңалар. Кеміген толар. Әсте-әсте бұл олқылық та дұрыс қалыпқа түсер деген үміт қыламыз. Үміт те, үгіт те етеміз! Іштен кейгенімізбен, терең сенім білдіреміз. Әзір, айтып келмейтін ажалды қарғағаннан басқаға жарамай тұрмыз. Бірақ, осы бір кенші атаулының тынымсыз

пауыт иелерінің орасан қателіктерін кейінгі мезгілдерде ашық айтып сындағаннан қорықпайды. Кеншінің кенен кейлі осындай. Қанша тың технология енгізілсе де кеншінің қос қолынан қайласы әсте түспеді. Түспейтін де шығар, бәлкім. Кеншінің бір күні былайғы жандардың мың күніне татырлық.

...Бір кеніште жеті кенші еңбектеніп жатады. Кенет шыңыраудан жарылыс дыбысы естіліп қап, кен орнындағылар шығар беріс туннельдің бітеліп қалғанын аңдайды. Бір-біріне қайран қыла алмай, абдырап қалған әлгі жетеу біраз шамадан соң, шыңыраудан шығу амалдарын қарастыра бастайды. Кенігі кеншілер туннельдің бітелген аузын ашуға қанша уақыт кететінін әрі оттегінің қанша сағатқа жететінін есептеп алды. Сәттілік серік болса, оттегі әрі кеткенде үш жарым сағатқа жетерлік екен. Ендігі мақсат сол уақыт мұғдарында шыңыраудан шығып үлгеру. Қолында сағаты бар жетеудің біреуі «уақыт кетті» деп әмір берісімен жанталастасталып та кеткен. Ауық-ауық «сағат қанша?», «қанша уақытымыз бар?» деген тәртізді қаншалық сауалдар үміт отын жағумен болды. Бір минуты бір сағаттық, бір сағаты бір асағаттан да ұзақ қапастағы хабар жеткенде берді, жалғаса берді. Қолында сағаты бар ауысым басшысы егерәкі бұлай жалғаса беретін болса, бойын қорқыныш дендеген жұмысшылар өздігінен ауа қармауға көшіп, жантәсілім ететінін іштей сезді. Ол дереу сұрақты азайтып, жұмысты өндірте істеуді талап етті. Бір сағат өткен соң «жарты сағат өтті» деген ауысым басшысы уыстағы уақыт пен ауаны барынша созып бақты. Көзге түрткісіз түнек ішінде күн көзіне асығып тайталасқан өзгелері осы бір ауыз сөзге имандай иланды. Арада бес сағат өтті. Күн сәулесі шыңырауға түсті. Алтауы аман есен қалып, қолсағаты бар кенші жан берді.

Бұл кәдімгі ақсақал ғана. Астарына бір ақиқат жасырыныпты. Не өлсе де, сенім өлмейді деген.

Кім не десе, еркі өзінде. Тамыз айының соңғы жексенбісі кеншілер мен байытушылар күні. Кен өндірісі еліміздің бас саласы болса, кенші кәсібі ең қадірлі мамандық. Сондықтан, қадымнан бүгінге дейін кеншінің кенен келбеті өз бігінен аласармақ емес.

БӘРЕКЕЛДІ!

Іске сәт!



Серік АКСҰҢҚАРУЛЫ,
ақын, Абай атындағы Мемлекеттік сыйлықтың лауреаты

Mecenat.kz компаниясы – қазақ ұлттық буржуазиясының көшбасы болғалы тұр!

Mecenat.kz компаниясы ұйымдастырған роман байқауына аса қуанбай, күдікпен, тіпті, шошына қарап едік, шимай-шатпақ жасайтын дарынсыз бір халтурщикке беріп жібере ме деп...

Бүгін сол бәйгеде Тұрысбек Сәукетайдың жүлделі болуы – қазақ руханиятындағы оқшау һәм ғажайып оқиға болды!

Бүгін сол бәйгеде қолдан жасалған, шикі, мемлекеттік буржуазия ғана бар еді! Бір кездегі Мемлекет басшысының «қайсыңды болса да түрмеге тыға алам» дейтін, өзі жасап шығарған «буржуазиясы» –

бұл! Елдің ырысын ұрлап-жырлаған ат төбеліндей топ, Қазақ халқының ашу-ызасын туғызатын ашқарақ сөздері! «Ештен де кеш жақсы» деген, енді міне, қазаққа жаны ашты, оның мәдениеті мен әдебиетін жетік білетін Ұлттық Буржуазияның да қарасы көзге шалына бастады! Құдайға шүкір!

Бұл компания осымен тоқтап қалмай, әдебиет пен өнердің барлық саласына назарын аударса, нұр үстіне нұр болғалы тұр; біз қуып жете алмай келе жатқан 30 елде жоқ ұлы поэзия, ұлттық поэзия – осы елде! Ол Гомерден бастап, Андрей Вознесенскийдердің шедевр туындыларын өз тіліне тәржімелеп алған, олар біздің Жыраулар поэзиясы тү-

гілі, Абай, Мағжан, Қасым, Мұқағалиларды да өз тілінде оқи алған жоқ, оған олардың поэтикалық потенциалы жетпей жатыр!

Ендігі назарды Қазақтың Қара өлеңіне салса, қандай ғажап болар еді?! Екі жылда бір рет 7-8 каламгерге бөліп беретін Мемлекеттік сыйлығымыздың нобайы белгілі... Өркениетті елдерде жазушыларға мемлекет емес, ешкімге жалпақтап, жалпақ шешей болмайтын қоғамдық ұйымдар, Mecenat.kz сынды алпауыт қаржылы компаниялар берді!

P.S. Mecenat.kz компаниясының жігіттеріне алғашқы қадамдарың құтты, шаңырақтарың мықты болсын дейміз! Іске сәт, қазақ байлары! Бай, қуатты болыңдар!

29 ТАМЫЗ – ХАЛЫҚАРАЛЫҚ ЯДРОЛЫҚ СЫНАҚТАРҒА ҚАРСЫ КҮРЕС КҮНІ

Өмірге күштарлық

Өткен ғасырда адамзатқа алапат апат, зор қасірет әкелген ядролық сынақты қазақ даласы да бастан кешті. Бүгінде Семей полигонында жарылыстың үні өшті, тәубе. Бірақ, зардабы қалды. Аталған күн қарсаңында Семей ядролық сынағының зардабын көрген тірі куәгер, еліміз ғана емес, әлем таныған суретші, полигонды жабуға мұрындық болған халықаралық антиядролық қозғалыс белсендісі, «Атом» жобасының елшісі, Нобель сыйлығының номинанты Кәріпбек Күйіковпен кездесу өтті. «Әлем суретшінің көзімен» аталатын кездесуді Н.Г.Оголь атындағы Қарағанды облыстық әмбебап ғылыми кітапханасында American Corner Karaganda ресурстық орталығы мен кітапхана ұйымдастырды. Іс-шараға мектеп оқушылары, студенттер, еріктілер, жастар ұйымының жетекшілері, кітапханашылар қатысып, Кәріпбек Күйіковтің әңгімесін зор ықыласпен тыңдады.

Гүлнұр СЕРІКЖАНҚЫЗЫ,
«Ortalyq Qazaqstan»

Семей ядролық полигоны – қазақ даласына зор қасірет әкелген алапат апат. Атом бомбаларының жарылыстары аса ауыр болған сынақ қоршаған ортаға орасан зор зардабын тигізді. Ашық дереккөздерге сүйенсек, Семей маңындағы радиациялық әсер аймағында тұратын 500 мыңдай адам осы сынақтан азап шекті. Полигоннан 100 шақырымдай жерде орналасқан Қарағанды облысы Егіндібұлақ ауданының тұрғындары да осы жарылыстың зардабын тартты. Олардың ішінде кейіпкеріміз Кәріпбек Күйіков те бар. Ядролық сынақтың зардабын көріп, дүниеге қолсыз келген, тағдырына мойымаған жан бүгінде шығармашылық пен қоғамдық жұмысты қатар алып жүр. Оның ерік-жігері өзгеге үлгі.

– Мен Семей ядролық полигонынан 100 шақырымдай жерде орналасқан Егіндібұлақ ауылында 1968 жылы туғанмын. Әкем талай тарихи оқиғаларды әңгіме-



леп отыратын. Өзімен бірге Семей полигонына алып баратын. Жарылыстан соң қалған қалдықтарды, танк, ұшақ, техникаларды өз көзімен көрдім. Радиация тірі ағзаға әсер етеді. Оған зардап шеккен адамдарды да көзіммен көрдім. Семейде туберкулез ауруын емдейтін аурухана бар-тын. Алайда бұл радиация зардабын тартқан адамдар-

ды зерттейтін орын болатын. Мұнда дамуында генетикалық ауытқуы бар балалар, жас жігіттер, ядролық полигонда қызмет еткен солдаттар жақтқызылды. Полигоннан зардап шеккен көптеген отбасын білемін. Әкемнің әріптесі 10 бала сүйді. Бірақ барлығы да ауру болып туып, шетінен кетті.

► 8-бет

• БІЗДІҢ СҰХБАТ

«Тартына берсек, Сақтың ұрпағы екенімізді кім білмек?!»

Арқаның ат спорты алдыңғы қатарда. Бұған бәйге аты «Нұрақасқа», «Айым», «Ажара», «Жезкиістей» желжетпестер, көкпардың «Месси», «Қаратамыр» секілді аттарының жанкүйерлері куә. Ал, көкпардың жайын кеше ғана Қырғызстанның Шолпон-Ата ипподромында өткен Президент кубогінде көрдік. Қарағандылық палуандар «Астана» командасының жалауын желбіретіп, 22 елдің арасынан суырылып II орынға шықты. Бұл белес емей мемене?! Қарағандыдағы көкпар аталған ұлттық спорттың бүгінгі тынысы ат сүйер қауымға аса қызық екені күмәнсіз. Осы орайда Қарағанды көкпар федерациясының басшысы Нұрлан Мерекеұлымен сұхбат құрып, аз-кем әңгімелескен едік.

– Кейінгі жылдары көкпар ел ішінде едәуір қарқын алды десек те, оның көлденең кісі біле бермейтін күрмеуі бары анық. Жалпы, сіз осы Көкпар федерациясын басқарған жылдарда «әттеген-ай» деген тұстары қандай? Ондай тұсаулар әлі де бар ма?

– Соңғы жылдары Қарағанды жерінде көкпар дамуы. Оған ел куә. Бұл тұрғыда федерация қарқынды жұмыс жүргізуге барын салады. Оның үстіне денешынықтыру және спорт басқармасы демеу көрсетіп, көкпар спорттық клубының ашылуы көкпардың кең көсілуіне ықпал етеді деген сенім зор. Соның арқасында Қарағанды аймағының намысын қорғап жүрген құрама көкпаршыларына 100 мың теңгеден астам айлық төленеді. Сонымен бірге 14-15 аттың жем-шөбін де осы федерация өз мойнына алған. Бұл Қарағанды палуандары мен аттарына жасалған қамқорлық деп білген жөн.

– Қарағандылық көкпаршылардың жақсы есімі ел аузында жүргені мәлім. Аймақ намысын қорғайтын қанша команда бар? Олардың шымырлығы мен шыныққандығы туралы не айтар едіңіз?

– Иә, сөзіңіздің жаны бар. Біздің көкпаршыларды көкпар сүйер қауым жете таниды. Олар осы уақыт аралығында біршама танымалдықты иеленді. Қазіргі таңда аймақтан 23 команданың көкпардан алдына қара салмайтын қабілеті бар деуге негіз жоқ емес. Кейде команда саны 25-ке дейін жетеді. Бұл ненің көрсеткіші? Бұл – ел ішіндегі палуан жастардың көкпарға ден қойғанын айғақтаса керек. Тіпті, аудандардан ойын сайын 8-10 команданың жиналуы

тайым мүгедек болып қаламыз деп қорықпай ма? Бұл батырлық па, рухтың басымдығы ма?

– Футболшылардың ұлттары басқа. Ал, қазақтың қаны да, жаны да олардан ерек. «Қазақ атпен ауырса, оны ешкім жаза алмайды, ал, атқа мінсе, ауырмайды» деген сөз бар. Сондықтан, ат сүйер жанның жылқы жануарына ынтықтығы қанша жарақат алса да, басылады деп өсте ойламаймын.

латын. Онда біздің жасөспірімдер командасы жалпы Қазақстан бойынша финалға шықты. Финалда «Түркістан» командасынан ғана ұпай санымен жеңілді. Олар соғына дейін ойнады. Және «жеңілдік» деген сөздің орнына «дайындықты одан сайын күшейту керек» деген ұранмен оралды. Міне, олардың көкпарға деген ықыласы.

Ал, жеткіншектер командасына келсек, әрине, қызығу бар, ынта бар. Тек көбінде ат жоқ, ат ұстай-



«Бәйтерек» командасының белді ойыншысы Рамазан Шалғынбаев

– бұған дәлел. Денгейлері өте жоғары. Бастысы, ойынға ынтасы зор. Әр ойында көкпаршылардың жанарынан «жеңем» деген жасындай от байқаймыз. Осыдан артық ерекшелік бар ма?!

– Көкпар – экстрималды спорт түрі. Сондықтан ойын кезінде палуандар жарақат алуы әбден мүмкін. Біздің көкпаршылар сондай жарақат алған жағдайда федерация тарапынан қандай әрекет жасалады?

– Көкпарды екінің бірі ойнамайды. Ойнай алмайды. Жүрек керек оған. Бізге жасынан ат жалына жармасып өскен балалар келеді. Дегенмен, көкпаршыдан қолхат аламыз. Сонымен қатар, көкпаршылар өздерін сақтандыру мақсатында сақтандыру ұйымына барып, өмірін сақтандырса болады.

– Палуандар футбол ойыншыларындай еш сақтандырусыз ойнайды көкпарды. Онда олар жарақат аламыз, не жазза-

йткені ол біздің қанымызда, жанымызда бар дүние. Көкпарға келген палуандар жан сауғалайтын қатарынан емес. Сондықтан да оларда рух мықты. Ат үстіндегі азамат «Айбарымды көрсетемін, ел мен жерді танытамын» деп ойнайды. Сонымен қатар, біздің көкпаршылардың – 80 пайызы ауылдың жігіттері. Жасынан ат құлағында ойнап өскен, әкелері жылқышы болған палуандар. Көкпаршылар ат үстіндегі бейбіт күннің батырлары десем, артық емес. Олардың рухы басым. Ал, біз тартына берсек, кешегі Сақтың ұлы екенімізді кім біледі?!

– Қарағанды жастарының жеткіншектерінің көкпарға қызығушылығы қалай? Жас палуандардан қанша команда шығады қазіргі таңда?

– Өте жақсы. Биыл 4-11 тамыз аралығында Қостанай қаласында жасөспірімдер арасында Қазақстан чемпионаты өткен бо-

тын атқора жоқ. Қазір жер-жерге түрлі спорт кешендері салынуы. Мемлекет тарапынан солай әр ауданға бір-бірден жалпылама атқора салынып, ұлттық спортқа қолдау жасалса, онда жоқ дегенде 5-6 ат ұсталса шіркін! Жергілікті балалар сонда дайындалып, ұландардың ұлт намысын қорғауда жігеріне жігер құяр ма еді?!

– Қарағандылық көкпар спортында өзіндік орыны ойып алған қандай палуандардың есімдері ел аузында? Сонымен қатар, әйгілі көкпар аттары бар ма?

– Не шықса да, жастан шығады. 2000-2003 жылғы палуандар арасынан Шет ауданының палуаны Темірлан Тілеубек, Ақжалдан Әнуар Жаңбырбаев, Мирас Тахауов, Бұқар жырау ауданынан Мұхтархан Серғазиев, ақтоғайлық Айбар Мәни сынды білекті жігіттер бар. Үлкен долларларда көрермен көзайымына айналып жүрген

• ҚЫЛМЫС

Қолға түскен топ

Қарағанды мен Астанада Ішкі істер министрлігі Ұлттық қауіпсіздік комитетімен бірлесіп, прокуратураның үй-лестіріуімен криминалдық жағдайға теріс әсер ететін қылмыстық топты ауыстыру бойынша кең ауқымда арнайы операция жүргізді.



Топ мүшелерінің тау-кен өндіруші компаниялардың бірінші тауарлық-материалдық құндылықтарын ұрлауға, есірткі мен атыс қаруын сақтауға, сондай-ақ, 2022 жылы қылмыстық текетірес кезінде Қарағанды тұрғынын өлтіруге оқталу фактісіне қатысы бар екені анықталды.

Осы қастандықты жасамақ болған топтың болжамды тапсырыс орындаушы «киллері» көрші мемлекеттің аумағында ұсталды.

Осы уақытта 70 тінту іс-шарасы өткізілген, соның нәтижесінде тоғыз қару, 400-ге жуық оқ-дәрі, пышақтар, радиостанциялар, үлкен көлемде ақша және басқа да заттай дәлелдемелер табылып, тәркіленді.

– Полицияға 28 адам жеткізілді, оның ішінде топтың 12 белсенді мүшесі уақытша ұстау изоляторына қамалды. Қылмыстық кодекстің бірнеше баптары бойынша сотқа дейінгі тергеп-тексеру жүргізілуде, тиісті сараптамалар тағайындалды, – деді ІІМ ұйымдасқан қылмысқа қарсы күрес департаментінің басқарма бастығы Қуандық Алпыс.

Әдебиет БЕЛГІБАЙҰЛЫ

• МЕРЕЙ

Қызылтаудағы думан

Осыдан 70 жыл бұрын Шет ауданына қарасты Қызылтау ауылының іргетасы қаланған болатын. Бұл құтты мекен іргелі шаруашылықтарының бірі Қызылтау кеңшары ретінде 1953 жылы құрылған. Шаруашылық негізінен асыл тұқымды жылқы, қой өсірумен айналысты. 1964 жылы Бетпақдала мал шаруашылығы тәжірибе станциясы да осы Қызылтау жеріне орналасты. Ынтымағы жарасқан өлкеде бүгінгі күнде нағыз еңбеккер жандар тұрады. Ауыл адамдары әр жыл сайын киімдік қаны тамған қасиетті мекеніне көркеюіне атсалысып, түрлі игі істер атқаруда. Биыл да бұл үрдіс жалғасын тауып, ауыл азаматтары Қызылтаудың жетпіс жылдығына арналған ұлан-асыр той жасалды.

Нұрлос КӘРІМ,
«Ortalyq Qazaqstan»

Дүбірлеген ұлы той ауылдың іргетасын қалаған жандардың рухына Құран бағыштаумен басталды. Шараның салтанатты ашылуында аудан әкімінің орынбасары Орал Стыбаев, осы ауылды ұзақ жылдар басқарған Мағауия Медетбекұлы, жазушы Өмір Кәріп, Мемлекеттік қызмет істері агенттігі Ұлытау облысы бойын-

ша департаментінің басшысы Берік Ахметов, ауылдық округтің әкімі Сержан Шайхұлы құттықтау сөз сөйлеп, барша жиналғандарға ақжарма тілегін арнады. Сонымен қатар, белгілі әнші, өнертанушы Ерлан Төлеутай лебізін білдіріп, әннен шашу шашты.

Осы мерейтойды өткізуге атсалысқан бір топ азаматтар аудан әкімінің және ауыл әкімінің Алғыс хатымен, сондай-ақ, облыс әкімінің Алғыс хатымен Мұрат Ха-

сенұлы және Мағауия Медетбекұлы марапатталды.

Салтанатты шара концерттік бағдарламаға ұласып, осы мерейтойға арнайы шақырылған елімізге танымал әнші Болат Құсайынов, дәстүрлі әнші Дінислам Жайлаубай және Қарағанды қаласынан келген әншілер мен жергілікті өнерпаздардың әулетіне шыраққан әндері мереке шырайын аша түсті. Аталған мерейтойға арналып ақ шаңқан киіз үй тігіліп, той тамашала-



уға келген қонақтар мен жұртшылыққа қазан көтеріліп, ас берілді. Той барысында ұлттық ойындар (қазақша күрес, арқан тартыс, көкпар, аламан бәйге) ұйымдастырылып, жеңімпаздар анықталып, бағалы сыйлықтар өз иелерін тапты.

Белдескенін жауырынын жер иіскеткен ақшағылдық Ақжігіт Оралов «Түйе палуан» атанып, ұйымдастырушылар тағайындаған тай мен 200 мың теңгеге ие болды. 74 келі салмақта бас жүлдеге тігілген тайды Қаражал қаласының палуаны Қылыш Еренғарипов қанжығалады. Сондай-ақ, арқан тартуда бас жүлдеге 100 мың теңге және қол күресінен бас жүлдеге 70 мың теңге, көкпарға жүлде қоры 1 миллион теңге және екі тай, бір өгіз тігілді.

Дүбірлі тойдың қызар шағын күткен ауыл тұрғындары әлдеқашан елді мекен жанындағы бәйге алаңына жиналып алған. Ауыздықпен алысқан арғымақтары алып, «мен» деген атбегілер де сол

маннан табылды. Тұқымы бөлек, тұрқы басқа тулпарлардың 40 шақырымдық аламан бәйгесінде Қорлайдан келген «Ханторғы» аталған жүйрік бірінші келіп, бас жүлде автокөлікті еншіледі. Аламан бәйге-нің демеушісі, белгілі кәсіпкер Мұрат Қожамбердин автокөлік табыстады. Сондай-ақ, 1 миллион теңге демеушілік жасаған Ержан Абылаев сынды азаматтар жеңімпаздарға жүлде тапсырып, ел мерейін үстем етті. Той қызығы осылай үдей түсті. Кешкілік мерейтой эстрада жұлдыздарының гала-концертіне ұласты.

Ауылдың атқамінер азаматтары жарыстың қаржы қоржынын толтыруға әрқайсысы өзінше үлес қосыпты. Бірі – ұйымдастырушылар қолына жетелеп биесін не тайын әкеп берсе, бірі – қаржылай жүлдесін тағайындады. «Ауылына қарап, азаматын тань» деген рас.

Шет ауданы

Құттықтаймыз!

Қарқаралы ауданы Көктас ауылының тұрғыны
Марал Шәріпұлы ӘДІЛБАЕВҚА

Төлбасымыз ЖҮБАНЫШ бүгін атта,
Білім нәрін алмақ боп тұрды сапқа.
Қадамның құтты болсын, асықпай жет,
Тозбас тон өнер-білім деген таққа!



Ұлағатты ұстазбен сен толарсың,
Әлем сырын биіктен сен шоларсың.
Лайық бол «қазақ қызы» деген атқа,
Әулетіміздің жұлдызы сен боларсың.

Ақ қағаздай аппақ сенің көңілің,
Қиындықта таусылмасын төзімің.
Бауырларың өнеге алсын өзіңнен,
Жаным, ботам, ұзақ болсын өмірің.

Астана қаласының тұрғындары
Бақыт Серікқызы ҚАҢТАРБАЕВАҒА
Айжан Медеубекқызы АПСАТТАРОВАҒА



Кішкентай ақ көгершіндеріміз – АЛЬМИРА мен САФИЯ-ның мектеп табалдырығын аттаған қуанышты күнімен құттықтаймын! Кішкентай балапандарға өмірдегі бар жақсылықты тілеймін!



Әрдайым көз қуанышымыз болып, аман-есен ортамызда жаздай жадырап, гүлдей құлпырып, жүре беруге жазсын.

«Ақыл – тозбайтын тон, білім – таусылмайтын кен» деген. Үздік оқындар, қанаттарың талмасын. Білім жолында алғыр, зейінді болуларыңды тілеймін.

Ізгі тілекпен: Қанат Шәріпқызы

T/B

Құттықтаймыз!



Бұқар жырау ауданы, Үміткер ауылының тумасы, қазіргі Қарағанды қаласының тұрғыны, Серік Бекішұлы БАЛПАНОВ Бұқар жырау ауданының Құрметті азаматы атағының иегері, оқу-ағарту үздігі, Б.Алтынсарин атындағы төсбелгінің иегері. Арамызда үлгі боп, көш бастап жүрген Құрметті Серік аға, Сізді 70 жасқа толған мерейтойыңызбен және Салтанат жеңгеміз екеуіңіздің Алтын тойларыңызбен құттықтап, мына жыр жолдарын жолдаймын:

Жігіттердің ішінде сері, дара,
Жасымнан үлгі тұтқам сені ғана.
Жастығыңда жалындап көзге түсіп,
Жетпісіңе жетіпсің, Серік аға!

Соңыңыздан інін ем ерген ізден,
Орның бөлек ағайын, елге, бізбен.
Мерейтойың, Алтын той құтты болсын,
Ғұмыр кешкен Салтанат жеңгемізбен!

Еңбегіңді ел-жұртың елеген-ді,
Ата болдың алдына ап немеренді.
Қызық көріп, шөбере сүйіп тағы,
Жүзді тойлау сіздерге керек енді!

Ізгі ниетпен тілек білдіруші: ініңіз және келініңіз
Зақария-Нәсіп.

№497

Тағылымдама
тәжірибені
ұштайды



Денсаулық

Аймақтың медициналық қызметкерлері 12-25 тамыз аралығында Израильдің Нагария қаласында тағылымдамадан өтті. Мамандар шетелде онкология және ядролық медицина, сондай-ақ кардиология, кардиохирургия, инсульт орталықтары тақырыптарында тағылымдаманы аяқтады.



Жансая ОМАРБЕК,
«Ortalyq Qazaqstan»

Облыстан барған 12 дәрігер Израиль дәрігерлерінің тәжірибесін біліп, тікелей танысуға мүмкіндік алды. Оның ішінде №2 көпсалалы ауруханасынан бес дәрігер, профессор Х.Мақажанов атындағы көпсалалы ауруханасынан – екі және №3 көпсалалы ауруханасынан – бес маман бар.

Тағылымдама жоспары бойынша оқыту әуелі симуляторларда, содан кейін операциялық бөл-

мелерде өтті. Кардиохирургтер ашық жүрекке операция жасаса, онкохирургтер де Винчи роботында және лапароскопиялық операцияларда тәжірибеден өтіп, минималды инвазивті араласулар мен диагностика жүргізді.

Аймақтың денсаулық сақтау саласы мамандары жыл сайын алыс-жақын шетелдерге шығып, тағылымдамадан өтеді. Сол арқылы тәжірибе жинақтайды. Мамандарды оқыту шаралары облыстық бюджет есебінен қаржыландырылатынын айта кету керек.

• КЕДЕН

Декларацияланбаған тауар тәркіленді

Қарағанды әуежайында кедендік шекарадан өткен жолаушының қол жүгі мен багажын Кедендік бақылау барысында тауарлардың декларацияланбаған коммерциялық партиясы анықталды. Технологиялық жабдыққа қосалқы бөлшектер декларацияланбағаны үшін тәркіленді.

Гүлнұр СЕРІКЖАНҚЫЗЫ,
«Ortalyq Qazaqstan»

Қарағанды облысы бойынша Мемлекеттік кірістер департаментінің мәлімдеуінше, 20 тамызда «Әуежай-Қарағанды» кеден бекетінің қызметкерлері ҚР ҰҚК ШК «Қарағанды» шекаралық бақылау бөлімінің қызметкерлерімен бірлесіп, Қарағанды қаласының «Сарыарқа» халықаралық әуежайында Түркия Республика-

сының азаматын ұстаған.

Антальядан әуе рейсімен келген және жасыл дәліз арқылы кедендік шекарадан өткен жолаушының қол жүгі мен багажын Кедендік бақылау барысында тауарлардың декларацияланбаған коммерциялық партиясы (технологиялық жабдыққа қосалқы бөлшектер) анықталды.

Құқық бұзушыға қатысты ҚР ӘҚБтК 551-бабының 1-бөлігі бойынша тауарларды кедендік декларацияламағаны үшін әкімшілік

салауатын ұстаған. Антальядан әуе рейсімен келген және жасыл дәліз арқылы кедендік шекарадан өткен жолаушының қол жүгі мен багажын Кедендік бақылау барысында тауарлардың декларацияланбаған коммерциялық партиясы (технологиялық жабдыққа қосалқы бөлшектер) анықталды. Құқық бұзушыға қатысты ҚР ӘҚБтК 551-бабының 1-бөлігі бойынша тауарларды кедендік декларацияламағаны үшін әкімшілік

салауатын ұстаған. Антальядан әуе рейсімен келген және жасыл дәліз арқылы кедендік шекарадан өткен жолаушының қол жүгі мен багажын Кедендік бақылау барысында тауарлардың декларацияланбаған коммерциялық партиясы (технологиялық жабдыққа қосалқы бөлшектер) анықталды. Құқық бұзушыға қатысты ҚР ӘҚБтК 551-бабының 1-бөлігі бойынша тауарларды кедендік декларацияламағаны үшін әкімшілік

БӘЙГЕ! БӘЙГЕ! БӘЙГЕ!

Қарағаны көп, қазынасы мол Қарағанды қаласының 90 жылдық мерейтойы қарсаңында С.Сейфуллин атындағы облыстық академиялық қазақ драма театры қаланың өткені мен бүгінін арқау еткен, жалпы қала тұрғындарының, шахтерлер мен құрылысшылар өмірінің қызығы мен шыжығынан сыр тартатын комедия жанрындағы пьесаларға конкурс жариялайды. Аймақ қаламгерлерінен шынайы өмірді суреттейтін көркем дүние, астарлы әзіл мен қалжың, күлкілі, бірақ тағылымды комедиялық шығармалар күтеміз!

Бәйгеге қатысып, бақ сынаңыздар! Конкурсқа келіп түскен шығармалар ішінен алдағы жылы академиялық қазақ драма театрының киелі сахнасында қойылар әдеби көркем комедиялық пьесаны театрдың көркемдік кеңесі қарап, тандайды.

Пьеса көлемі – Times New Roman, 14-ші шрифтпен жазылған 30-35 беттен аспауы тиіс.

Конкурсқа деген шығарманы осы хабарландыру жарияланған күннен бастап, 2023 жылдың 1 желтоқсанына дейін бүркеншік атпен Сәкен театрының электронды поштасына: seyfullin_teatry@mail.ru жолдауларыңызға болады.

№501

43-21-55
Жарнама бөлімінің байланыс телефоны

Электрондық пошта: ortalyk.kaz@mail.ru

Қарағанды Шинсервис ШИНАЛАР
Арнайы дилер «Алтайский шинный комбинат» ААҚ «Росава» ЖАҚ «Матадор» ЖАҚ
• жеңіл автокөліктер үшін
• жеңіл жүзкөліктері үшін
• тракторлар және ауыл шаруашылығы техникалары үшін
• арнайы техникалар үшін
Қарағанды қ.қойма: Асфальтная көш., 22, дүкен: Бытовая көш., 14/1 тел. 8(7212) 97 20 27; 8 707 80 35 800

